

اقتصادیات

عالی و عملی هر نوع اقتصادی مسئله لردن بحث ایدز و هر پرشبه کونی چیفار

اداره خانه : استانبول ، سلطان جمای - معقولیان خانی

تورکلرده ملی اقتصاد دوره لری

ضیا کونک آلب

دارالفنون اجتماعیات مدرسی

ملی اقتصاد بر جمعیتده اقتصادی مؤسسسه لک عمومی بر تساند
حصوله کتیره جک صورتده بر برینه مربوط بولمیشی دیمکدر .
جمعیتک حقوق تساندینی دولت ارانه ایتدیکندن ملی اقتصاد
دولتک شکلیده علاقه داردر . دولتک مدینه (Cité)، امپراطورلق
(Empire) و عصری دولت ناملرنده اوج آموزجی اولدینی
ایچون ملی اقتصادکده مدینه اقتصادی، سلطنت اقتصادی و ملت
ناملری ویره یله جکمز اوج آموزجی موجود دیمکدر . ملت اقتصادی
انجق عصری دولت دورنده موجود اوله ییلدیکی ایچون عصری
دولت اقتصادی ملی اقتصادی دیمکی موافق بوله ییلیرز . بودوره لری
آکلامق ایچون مثال اوله رق تورک جمعیتی اله آله جغز . تورکلر
اسلامیتدن اول مدینه آموزجنده بر دولت شکلنده ایدیلر . تورک
مدینه سی اوطوراق دکل کوجه ایدی . بو مدینه ده موجود
فردلرک مجموعه بودون نامی ویریلردی . تورک جمعیتی متعدد
بودونلره آیرلمشدی . هر بودون داخلمده یونان و روماسیته لرنده
اولدینی کی اوج طبقه (Cotes) موجوددی : تکینلر ، بیوروقلر
و قامقلر . تکینلی بودونک مؤسسسی اوله رق طانیلان منقبوی
تهرمانک سلاله سندن اولان برنسلردن عبارتدر . بودونک مؤسسسی
(تکری قوتی = ظله) عد اولدیغندن کنديسی کی بوتون
اولادلری ده مقدس عدا اولنورلر . بوندن دولانی بودانک بوتون
ارکک اولادلرینه تکین ، قیز اولادلرینه خاتون (برنسس)
ناملری ویریلر . بو مقدس سلاله نک بوتون تکین و خاتونلردن
هر کب اولان هیئته (ایل) نامی ویریلر که دولت معناسه در .
دیمک که ایلاشاشر یعنی (Citoyen) لر یالکیز تکینلر و خاتونلردن
عبارتدر . بیوروقلر اصلاً قامقلردن و یاخود خارجدن کله
کنجلردن تکینلره و خاتونلره انتسابله اولنلرک معیتده ضابط
و مأمور کی استخدام اولنان توابع زمره سیندر روماده کی
Client لر بونلره تشبیه ایدیه ییلیر . قامقلر مقدس بر نسبه

مالک اولیان اها لیدرکه بونلر کنديلری مقدس سلاله لرینک
مملوکاری کی تلقی ایدرلر . قامقلر تکری قوتی صفتی حائر
اولان خاقانک بر ملکیتی کیدر . مؤسس اولان ایلک خاقان وفات
ایدنجه دیکر اموال کی قامقلرده اوغلاری آره سنده تقسیم اولنور .
بومیراث حصه لرندن هر برینه اولوس دینیلیر که بولک معناسه
اولان اوله مک مصدرندن مشتقدر . هر اولوس صاحبی برخان
ماهیتده اولوب بونک وفاتیله ده اولوس اوغلری ارمسنده تقسیم
اوله رق اویمقلر حصه وله کلیر و بونلرده اویماق بکلری نامی
ویریلر . کرک خاقان و کرک تکینلر مطلقا کندي سلاله نندن
برخاتون ایله اوله ییلرلر . خاتوندن طوعیمسان چوجقلر خاقان
اوله مز . برخاتون بیوروقلردن برله اولیرسه دوغوره جنی
ارکک اولاده « ایتال » نامی ویریلر .

بوتشریحانندن اکلاشیلیورکه بودون دورنده دولت یعنی
ایل یالکیز مقدس برعائله نک افراندن عبارتدر . بوتون قامقلرک
اموالی بو عائله نک بر نوع ملکیتی ماهیتده در یعنی هر اویماق
داوازلری صاحب لرینک تحت تصرفده فقط اویماق بکنک تحت
رقبه سنده در . عثمانلیق دورنده کوردیکمز تصرف و رقبه
شکلنده کی ایکی نوع ملکیت ایل دورنده ده موجوددی . محمود
کاشغرینک بیانیه کوره داوار کله سی اسکی تورکچده مال
معناسه در . کوجه نک مالی مواشیدن عبارت اولدینی ایچون
بالاخره بو کله مواشی معناسی آلمش اوله ییلر فصل که بو کونکی
قازاقلر مواشی به مال دییورلر . اوغوز ایلینک ۴۴ بوی یعنی
اویماقی وار ایدی که بونلردن هر برینه مخصوص برتمغا موجود
ایدی . هر بویک داوازلری کندي تمخاسیله دامغالایردی .
بوندن اکلاشیلیورکه بر بویک مواشيسندن مشترک بر ملکیت
موجوددر که بو بوی بکنک رقبه سندن عبارتدر . اوغوزلرده
هر بویک ملکیت مشترک سندن ماعدا عمومه مخصوص بر نوع
مشارکت اموال حسی موجوددی . (کتاب دده قورقود) ده
کورولدیکی وجهله اوغوزلرک بکلر بکیدی اولان سالور قازان
بعض کره پایدینی شوانی (ملی ضیافت) لرده بیکلر یئلدکن صکره
خاتوننک الندن طوته رق اوتاغندن دیشاری چیقار و بوتون
ثروتی دعوتیلیر یعنی ایلاشاشر دیغما ایتدیر ایدی . عجم شاعر لرینک

(خوان یغما) دیدکری ایسته اوغوزلرده کوریلن بومؤسسہ در۔ ایلک-رئیس بواردونک قوماندانی اولان ذات غزوه لرده کی غنیمتلردن وتابع قبیله لردن آلتان باجلردن ثابت بویوک برتوت اکتساب ایدرکه اساس مساوات حسندن عبارت اولان ایلداشلق طویغوسی بویله برفردک دیگر فردلره نسبتله فوق العاده زنکین اولمہ سنی تصویب ایدہ مدیکندن بویله بویوک برتوتک صاحبی اولان خانلر خان ویاخود بکلر بکی روتنی کندی مساویلری یعنی تکیئلر ارمہ سندہ پایلاشمغه مجبور ایدی . بونی ایسه یا علی العاده شولن ویاخود یغمالی شولن طریقہ لاجرا ایدہ بیلیردی . عادی «شولن» لرده شولن صاحبی «تپہ کفی ات بیغار کول کبی قیز صاغدر» هرکسه بیه جک بیدردکن ماعدا چپلاقله البسه ویرر بورجلیلرک بورجینی تأدیہ ایدر ، حاصلی تروتک بویوک برقسمنی ایلداشلره و یول داشلره صرف ایدردی . یغمالی «شولن» ده ایسه بوتون تروتی توزیع ایدردی . روتی یغما ایتدیرن بر رئیس یوقسول قالمغه محکوم دکلدی چونکه ایرتہ سی کون بوی بکلرینی آقین ایچین دعوت ایدرک اولرک یاردیمیلہ صایسز غنیمتلر الہ کچیرردی . بوندن بشقه دکون ضیافتلرنده دعوتیلر دکون صاحبنه (صاجو) نامیلہ ثابت قیمتلی هدیه لر کتیریرلردی . خداوندکار غازی زماننده شهزاده بیلدیرمک دکونی ضیافتنه بویله برچسوق هدیه لر کلشیدی . سلطان خداوندکار اورنوس بکک کوندردیکی هدیه لری (که عاشق پاشا زاده تاریخنده تفصیلاتیلہ محرردر) مصر سلطانه کوندرمش ومصر سلطانک کوندردیکی هدیه لری ده اورنوس بکه ویرمشردر . کول تکیئلر کتابه لرینک مندرجانه باقیلیرسه خاقان بودونی دیگر حکمدارلر کی برماکل اتحاد ایتمز بلکه حسن اعاشه یه چالشمقلہ کنندیسنی مکلف بیلیر . بیلکی خان بودون آچدی طویوردوم یوقسولدی زنکین ایتدم دیور . چونکه اردوسنک قوتیلہ چین دولتدن معاشلر وهدیه لر تابع قبیله لردن باجلر آلیور ، وبوتلرک بویوک برقسمنی ایلداشلرینه و بودونداشلرینه توزیع ایدیور . بودون نه زمان ایلسز وخاقانسز قالیرسه کنندیسنی سیاسی اولدینی قدر اقتصادی ، ماهیتی حائر اولان مشفقانه حمایه دن محروم کوریور ، (ایللی بودون ایدم ایلل آمانم هانی ؟ خاقانی بودون ایدم خاقانم هانی ؟ آرتق کیمه ایل وخاقانلق قازانه جغم) دیه تظلمه باشلاپور .

تورکر بودورده مملکتلری استیلا ایدرک بویوک ایمپراطورقلر تشکیلنه کنندیلرنده اقتدار کوردکلری حالده تورہ لرینک بوزیلہ جقمندن قورقورق بوحرکندن اجتناب ایدیورلردی . بیلکه خان کندی قومنی اورایه یعنی چینہ کیدرسه که اوله جکسک « اوتوکن ، اولکه سندہ قالیرسه که ابدی برحکمرانلقه مالک

اولورسک . اورالره کیتمه یالکز آقینلر وکاروانلر کوندیر . دیورودی . دیمک که تورکر سیار برمدینه حالده قالمی بشقه امتلری استیلا ایدرک ایمپراطورلق تشکیل ایتکدن دها ائی کوریورلردی . حتی بوسیارمدینه بی شهرلرده وکویلرده اسکان ایتهلری مدینتک بودورده سنه کله مش اولملرندن دکل بلکه حیات حقده کی تلقیلرینه اویمه مسندن ایلرو کلیوردی . بیلکه خانک ایمپراطورلق تشکیلنی ایسته مه مسی تورکرک ملی مدینتدن و مدینیه مخصوص حریتدن محروم اولمہ مسی ایچوندی . تورک بودوننده ایلک بوتون فردلری مساوی ایدیلر . چونکه هر ارکک تکیئل هر قادین خاتون ایدی . ایلداشلر مساوی اولدینی جمهوری بر اداره یه یعنی حریتده مالک ایدیلر . خاقان بوی بکلرینی «شولن» ده یاخود قورولتایده طویلا یه رق اولرک ویردیکی قراره کوره حرکت ایدردی . شولن ویاخود قورولتای برساتو ماهیتده ایدی . خاقان اوله جق ذاتی قورولتای ویاخود شولن انتخاب ایدر وایجاب ایدرسه اولخلم ایدردی . دیمک که ایلک بوتون فردلری حق حاکمیتہ مالک ایدیلر . بومساوات وحریتہ قادینلرده شریک ایدی . خاقان تک باشنه حاکم دکلدی . حاکمیت خاقان ایله زوجہ سی اولان خاتونک ایکسینده متجلی حکومتک برامری اعلان ایدیلہ جکی زمان خاقان امر ایدیورکه دیه ندا ایدلمشه مطاع اولمق ایچون هیچ برقیمتی حائر اولمزدی . حکومتک برامری مطاع اوله بیلیمک ایچون مطلقا خاقان وخاتون امر ایدیور دیه ندا ایدلمک لازم کلیوردی . چونکه هرکس ایچون خاقان ایله خاتونک مشترکا ویردیکی برقراری مقدس طانیہ بیلیردی .

دولتلردن کلن ایلچیلرده یالکز خاقان طرفندن قبول ایدیلہ مزدی . مطلقا خاقان وخاتون برابر اولدقلری حالده ایلچیلرک حضوره کیرمسی لازم دی . حاکمیتک خاقان ایله خاتونده تجلی ایتمه سی الوهیتک تکرری ایله یرده تجلی ایتمسنک تمالی کی بر تطبیقتدن عبارتدی . کون ایله یر زوج وزوجه اولوب الوهیت بوایکسینده تجلی ایتدیکندن الوهیتک برنیابتی ماهیتده اولان حاکمیتده اولرک ناسبلری اولان خاقان ایله خاتونده تظاهر ایدیوردی . بیلکه خان شهر تأسیس ایتکه قیام ایتدیکی زمان قائم پدیری اولان عقللی بر پرنس اوکا آتیده کی سوزلری سوبیلہ رک واز کچیردی : «تورکر چنیلرہ نسبتله کیتجه دها آرز ، سلاح ومهماتجه دها فقیر اولدقلری حالده کوجبہ لکلری سایه سندہ دائما غالب اولمقده درلر . چونکه بز ایسته دیکمز زمان اولرک مملکته آقین یاپارز ، اولر سفر برلک اعلان ایدوب اردو طویلا یجه به قدر بز آتلیمیزک سرعتی سایه سندہ ایسته دیکمز یرلره چکیلہ بیلیرز . چادرلری براقوب شهرلرده اوطوردیغمز

و بوانتساب بر معیشت یولی عد اولوندیغی ایچون بونلره (عثمانلیقله کینور) دینلیوردی [۰].

اوردویه اقتضا ایدن یوللارک و کوریلرک انشیا و تعمیری ایچون یا یا، مسلم و یوروک ناملریله برطاقم تشکیلاتلر وارییدی. بر جوق کویلردن ویرکو آلتاز، اهالیسی بو خدمتلره مکلف طایلردی.

اوردو لوازمنک تدارکنه دائر (تاریخ الوقوعات) ک ۱۰۴۱ نجی حقیقه سنده شو سوزلر محرردر:

« یکچیری بلوکارینه و ترسانه و سائر صنوف عسکریه او جاقلرینه و سرای هایونه مرتب اولان ات و اکمک و برنج و سائر طرف میردن اعطا اولتورایسده بونلر ایچون خزینه دولت بیوک و بلکه ده هیچ مصرف اختیار ایتدی چونکه روم ایلیده بولتان اغنامک عدد اغنام رستمی نامیله هر سنه اوندی بری آله کلدیکندن بوندن ایکی اوچیوز بیک قیون عیناً آوب ماعداسی بدلاً استیفا و طاقم طاقم سوق اولنهرق میری تعییناتی بونکله اداره قننور و حتی فضله سی اهالینک تهوین احتیاجی مقصدیله استانبول قصاب اصنافه توزیع اولنور ایدی. ممالک محروسه ده برآ و بحرآ نقل اولتان ذخائر دن کمرک آلتیوب بوکا مقابل آق دکر و قره دکر ساحلارنده اولان قضالردن و بعض ذخیره یتاغی بولتان موافقیدن مبايعه ذخیره سی نامیله وهرکیلی یکریمی یاره فیئات ایل هر قضانک درجه ثروت و جسمانه کوره الیشیر و یوزر بیک کیلی ذخیره مرتب و مخصوص اولمقله موسمنده هر طرفه مبايعه جیلر کوندریلوب ذخائر مرتبه جلب و جمع اولنهرق استانبوله کوندریلور و دوائر میریه بونکله اداره اولندقدن بشقه فضله سی استانبول آتکچی اصنافه فروخت ایدیلور ایدی. و بعض قضالر ذخائرینک نقلنده صعوبت مشاهده اولندیغی و یا خود مراتب مخصوصه فضله کوروندیکی تقدیرده بدلاً استحصال قننور ایدی که مثلاً کوتاهیه سنجاغی قضاالرینک ایکیوز بیک کیله مبايعه ذخیره سی مرتبی اولدیغی و رایج ذخیره یوز یاره راده سنده بولندیغی حالده یکریمی یاره سی فیئات مقطوعیه بالحسوب سکساز یاره دن بدلی اولمق لازم کلن درتیوز بیک غروش تقدراً استحصال اولونور ایدی.

قلبه حواله سننده واقع چلتکات یعنی برنج ترلاری دولتک مالی اولوب هر سنه ملتزمینه احاله اولنه کلمکله بدل التزامک لزومی مقداری عیناً و ماعداسی بدلاً استحصال و دوائر میریه اعطا اولنور و طوائف عسکریه ایلسه و مفروشان ایچون بکلک تعبیر اولتان بر نوع عبا و قالیچه اسلمیه و شارگوی و سائر مواقع متعدده ده اعمال ایتدیرلور ایدی.

حاصل کلام مراتب مذکوره ایچون ویریلان امان مقطوعه

زمان چنیلر بویوک اردولرله کلیر بزی محاصره ایدر و ابدی بر صورتده استقلالیزی محو ایدر. بیلکه خانک بودا و لائوچو ناملرینه معبد تأسیس ایتمه سنده قائم پدیری مانع اولمشدر. بو ایکی ذاته منسوب دینلرک هرا یکسندده محاربه نک وقان دوکمه نک ممنوع اولدیغی و تورک لری ملی اقتصادلری آوجیلق و اغتنام اساسلرینه استناد ایتدیکنی سولیه رک دامادی اقناع ایتمشدر.

تورکلر مغفور مملتلری فتح ایدرک اورالرده یرلشنجه (سلطنت Empire) طرزنده دولتلر تشکیل ایتمشدر. سلطنتک بدایتنده، یالکز محکوم اهالی (رعیت) حکمنده بولونور. تورکلرک کافه سی عسکر لکله مشغول اولدیغدن حاکم صنفی تشکیل ایدرلر. فقط بالآخره، تورکلر غیر یسندنده عسکر استخدانه باشلانیدندن، عسکر اولیانلر ولو تورک اولسهر بیله رعیت صیراسنده قالیرلر. سلطنت نمودنجه، حاکمیت، ایلداشلرک مجموعنده دکل، یالکز (سلطان) ددر. بناء علیه، ایل نمودنچی (میرانشاهی aristocratique) بر دولت ایکن، سلطنت نمودنچی (خودشاهی autocratique) بردولتدر.

حکمداردن صوکره قوللری اولان عسکر طائفه سی، صوکراده رعیت کلیر. تورکلرک سلطنت شکلنده کی دواتنه مثال اولهرق عثمانلی دولتی آله جفر. عالی دولتی، اوغوز ایلینک سلطنت نمودنجه استحاله ایتش برشکیدر. اوغوزلرده، حاکمیت، یکریمی درت بوی بکنک اجتماعدن حصوله کلن (شولان) ده ایدی. خانلر خانی، شولنده مذاکره ایتندن برشی یا یمازدی. عثمانلی سلطنتنده، خاقان کی تکین اوغلی تکین اولان بوی کلری یرینه، سلطانک بویوردقلردن عبارت اولان سنجاغ بکلری قائم اولدی. فتح اولتان اراضی و اوزرنده کی انسانلر، (ایل) ک ملکیتنه دکل، سلطانک رقبه سی آله کچردی. سلطان بوتون مفتوح مملکتلرده و بوتون رعیت اوزرنده (رقبه) حقنه مالکیدی. سلطان فرداً (ایل) ک مقامنه قائم اولمشدی.

بو دورده [دولت] ده آرتق (ایل) نامی ویریلور، (قانی) دینلیوردی. دولته (قانی) دینلیدیکی کی، ملتده (موک هایون) دن عبارت کیدی.

آرتق نه (شولان) شکلنده برسانو، نه ده (قورولتای) شکلنده قنودال بر مجلس یوقندی. (دیوان هایون) صرف اداری بر قلمدن عبارتدی.

ایل دورنده سیاسی عضویتی (ایل) تشکیل ایتدیکی کی، سلطنت دورنده ده (موک هایون) ارا ایدیلوردی. بناء علیه، سلطنت اقتصادی اوردو اقتصاددن عبارتدی. [او دورده یالکز موک هایونه منسوب فردلره (عثمانلی) نامی ویریلور

بدلاً استحصا قتلان مبالغدن و فضلہ سندن اصنافہ صائبان
ایشیانک منافعدن حاصل اولور ایدی .

ترسانہ و طوخنجانہ ایچون مقتضی اولان کراستہ آق دکر
وقرہ دکر ساحلارندہ اولان کرستہ چرکش قضاوردن و کندیر و بدیر
یاغی و کهرچیلہ مصر و جانیسک و قونیہ سنجاقلردن و باقر
و قورشون و تیمور مثلاً اشیاء دخی معدنلردن مرب و مخصص
اولمغہ ہر سنبہ مأمورلر کوندزیلوب تربیی و جہلہ جمع و استحصال
اولنور و بونلرک فیثات مقطوعہ لری یک جزئی اولدیغندن باد
ہوا کی کلور ایدی .

مع مافیہ ، دولت ، اوردونک یالکز (قانی قولی) اولان
عسا کر خاصہ قسمی اناشہ ایلہ مکلفدی ؛ خزینہ دن معاش
الان ، یالکز بونوع عسکر اولدینی کی تعینات ایلہ اناشہ ایدیلنلرہ
بونلر عبارتدی . فقط ، عینی زماندہ ، یوقاریدہ کورولدیکی و جہلہ ،
دولت استانبول اہالیسک حواج ضروریہ سنی دہ اردو لوازمندن
تأمین ایدردی .

ایالت عسکرلرنہ کلنجہ بونلرہ (دیرلک) اولہرق تیمار
زعامت ، حاصل ، ناملریلہ کویلرک رسومی تخصیص ایدلمش
اولدیغندن نہ حضر نہ دہ سفر و قتلرندہ دولت خزینہ سندن
بونلرہ پارہ صرف ایدلزدی . بو اصول ، تورکیادہ زراعتک
ترقیسنہ ، کویلرلرک ثروت و رفاه کسب ایتمسہ بادی اولمشدی .
چونکہ دیرلک صاحبی ، آلہ چینی اعشار ، اغنام و سائر رسومک
ترایدی ایچون کویلرلرک زنکینلنمہ سنبہ چالیشیر اولنلرہ پارہ
اقراض ایدر ، تخملق ویرر ، ہر تورلو حق و منفعتلرنی حمایہ
ایدردی . بالآخرہ دیرلکر ، منحل اولدقہ سپاہیلرہ اناشہ
ایدلیہرک خزینہ یہ ضبط ایدلدیکندن ، بیچارہ کویلرلر ملتزم لرک
الہ دوشہرک راحت و ثروتلرنی غائب ایتدیلر .

تنظیماتدن صوکرہ ، یوللرک و کوپرولرک تعمیریلہ مکلف
اولان کویلرلر بو وظیفہ دن عفو ایدیلہرک ویرکو اعطاسیلہ
مکلف اولونجہ مملکتک یوللر و کوپرولر اعتباریلہ اسکیدن حائز
اولدینی انتظام و معموریت زائل اولمغہ باشلادی .

مع مافیہ سلطنت دورینک اقتصادی یالکز اردو اقتصادندن
عبارت دکلدی . ہر شہردہ اصناف لونجہ لری بولوندینی کی بو
لونجہ لرک مراقبہ سیلہ مکلف احتساب ادارہ سنی دہ موجود ایدی .
بناء علیہ ہر شہرہ مخصوص بردہ شہر اقتصادی موجود دیمکدی .
تنظیمات دورندہ کرک اردو اقتصادی و کرک شہر اقتصادی
انحلالہ دوچار اولدینی کی البسہ ، اغدیہ و سائر لوازمہ قبول
اولونان تجددلر اجنبی معمولاتنہ رواج ویردیردیکندن ملی
صنایعمز یوس بوتون مندرس اولمق یولنی طوتدی . شیمدی
دولت عصری بر دولت مہیتی آلمغہ باشلادیغندن بو دورہ یہ

اویغون بر ملی اقتصاد تشکیلاتی یاپمہ من اقتضا ایدر . بودور دہ کی
ملی اقتصاد من ارتق نہ ایل اقتصادی ، نہ دہ اردو و شہر اقتصادی
ماہیتندہ اولہ من . یکی ملی اقتصاد من ، تمامیلہ ملت اقتصادی
شکلندہ اولمی یعنی جماعت و شہر اقتصادی کی خصوصی
اقتصاد لری ملتک عمومی اقتصادی داخلندہ بلع ایتمہ لیدر .
ملت اقتصادی نک تأسسی ایچون اول امر دہ بر ملی اقتصاد نظارتی
تشکیل ایتک لازم کلیرکہ زراعت نظارتک بو وضعیتی المی ایچون
مجاہدہ ابتدکی کوریورز .

ملی اقتصاد نظارتی موجود اولونجہ کرک تعرفہ لریلہ دمیر یوللر
تعرفہ لری نک تنظیمی ولیمان امورینک ادارہ سنی دہ مذکور نظارتہ
تودیع ایتک اقتضا ایدر . دولتک وظائف اقتصادی سی یالکز
بر نظارتہ طوبیلا مالیدرکہ مملکت مز دہ کی اقتصادی فعالیتلر دہ
بر وحدت و تساند حصولہ کلہ یلسین ؛ یعنی ملتہ بر عضویت
اقتصادیہ حالی المی ممکن اولسون .

ملی اقتصاد نظارتی عینی زماندہ ملی باقہ نک دہ مراقبی
اولمالی واصناف قورپوراسیونلرنی شہر اساسندن چیقارہرق
ملت اساسنہ کورہ تشکیلہ چالیشمالیدر .

عملہ نک وبالخاصہ قادی و چوچق ایشجیلرک صحت ، حیثیت
و استقباللرنی تأمین ایدہ جک اجتماعی قانونلرک لایجہ لرنی تنظیم
ایتک وظیفہ سی دہ مذکور نظارتہ راجع بر بورجدر .

ملت اقتصادی حقندہ اوزون سوز سوبلہ مکہ حاجت یوقدر
محاربہ اثناسندہ کی تجربہ لری بو اساسہ مستند تشکیلاتک لزومی
شدتلہ احساس ایتدی .

آلمانیا دہ ملتک مزاجنہ موافق بر ملی اقتصاد تشکیلاتی
اولدینی ایچوندرکہ اولادہ حرب زمانندہ بر چوق اقتصادی
کوجلکرلہ دایانہ چارہ لری بولنہ بیلدی . تورکیانک استقبالی
ملی اقتصاد دہ کی درجہ موفقیتنہ تابعدر .

قونیہ اووہ سنک ارواسندن شمیدی یہ دکن استحصا

اولنان و بوندن صکرہ حصولہ کلہ جک

اولان فوائد

سلبان سری
نافعہ مدیر عمومی

معلومات عمومیہ

۱ — عملیاتدن اولکی حال . — عمومی خریطہ نک مطالعہ سندن
اکلاشیلہ جنی اوزرہ قونیہ دن ۹۰ کیلومتر و مسافہ دہ اولوب ۵۰